

Broj: 09-11-6-8-2775-13/25
Sarajevo, 25.04.2025. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 03-04-3-1894/25 od 28.02.2025. godine, federalni ministar financija/finansija **d o n o s i**

ODLUKU
o izboru najpovoljnijeg ponuđača za javnu nabavu roba –
nabava tonera

I

U cilju odabira najpovoljnijeg ponuđača, nakon provedenog konkurentskog zahtjeva za dostavu ponuda u postupku javne nabave roba – nabava tonera, evidencijski broj nabavke: 09-11-6-8-2775-1/25, broj Obavještenja o nabavci sa portala javnih nabavki: 810-7-1-10-3-4/25 od 28.03.2025. godine, Sažetak Obavijesti o nabavi objavljen u „Službenom glasniku BiH – Oglasnik javne nabave“, broj: 20/25, kao najpovoljnija prihvatljiva ponuda ocijenjena je ponuda ponuđača:

- **ALF-OM d.o.o. Banja Luka, PJ Istočno Sarajevo, s ukupnom cijenom ponude, nakon e-aukcije, u iznosu 16.690,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora, ponuđač je ponudio najnižu cijenu, nakon okončane e-aukcije.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su dostavili ponude u predmetnom postupku javne nabave.

Obrazloženje

Postupak nabavke pokrenut je Odlukom o pokretanju postupka, broj: 09-11-6-8-2775/25 od 24.03.2025. godine. Javna nabavka provedena je putem konkurentskog zahtjeva za dostavu ponuda. Ukupna procijenjena vrijednost javne nabavke iznosila je 30.000,00 KM bez PDV-a i predviđena je Planom javnih nabavki za 2025. godinu Ministarstva, dio Robe, pod rednim brojem 1. – nabava tonera. Obavijest o nabavci, broj: 810-7-1-10-3-4/25 poslana je na objavu 28.03.2025. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavijesti o nabavi objavljen je u „Službenom glasniku BiH – Oglasnik javne nabave“, broj: 20/25.

Tendersku dokumentaciju preuzelo je 17 privrednih subjekata, a 8 ponuđača je dostavilo ponude u predmetnom postupku nabavke. Sve ponude su dostavljene blagovremeno. Ponude su dostavili sljedeći ponuđači: EKOPRINT d.o.o. Banja Luka, ALF-OM d.o.o. Banja Luka, PJ Istočno Sarajevo, INFOCOMP d.o.o. Bijeljina, ELKOM d.o.o. Vitez, KMC d.o.o. Banja Luka, DEFTER d.o.o. Sarajevo, CROBOX d.o.o. Sarajevo i NEW TONER PRINT d.o.o. Zenica

Komisija za javne nabavke, imenovana Rješenjem, broj: 03-04-3-1894/25 od 28.02.2025. godine, izvršila je pregled i evaluaciju pristiglih ponuda, te konstatirala da su ponude ponuđača: EKOPRINT d.o.o. Banja Luka, ALF-OM d.o.o. Banja Luka, PJ Istočno Sarajevo, INFOCOMP d.o.o. Bijeljina, ELKOM d.o.o. Vitez, KMC d.o.o. Banja Luka, DEFTER d.o.o. Sarajevo i NEW TONER PRINT d.o.o. Zenica prihvatljive, a da je ponuda ponuđača CROBOX d.o.o. Sarajevo nepravilna.

Ponuda ponuđača CROBOX d.o.o. Sarajevo ocijenjena je nepravilnom iz sljedećih razloga:

- Ugovorni organ je dana 03.04.2025. godine izvršio drugu izmjenu Tenderske dokumentacije, broj: 09-11-6-8-2775-1/25 od 28.03.2025. godine, odnosno izmjenu Aneksa 3 – obrazac za cijenu ponude - robe i objavio izmjenu iste na portalu javnih nabavki. Ponuđač CROBOX d.o.o. Sarajevo je preuzeo izmjenu Tenderske dokumentacije, dana 03.04.2025. godine u 15:00 sati i prilikom pripreme Ponude trebao je koristiti izmijenjeni Aneks 3 – obrazac za cijenu ponude - robe. Komisija je prilikom evaluacije Ponude konstatirala da Ponuđač nije koristio izmijenjeni obrazac za cijenu ponude – robe, nego je popunio i u ponudi dostavio Aneks 3 – obrazac za cijenu ponude – robe, koji je činio sastavni dio Tenderske dokumentacije prije druge izmjene iste.

- U Tenderskoj dokumentaciji, Poglavlje V OSTALE ODREDBE, tačka 24. Nacrt ugovora, između ostalog, propisano je: „.....Ponuđači su dužni uz ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora.“.

Pregledom Ponude, konstatirano je da Ponuđač, u Aneksu 8 - Nacrt ugovora nije parafirao sve listove Nacrta ugovora.

Za ovaj postupak, Ugovorni organ je predvidio provođenje e-Aukcije, koja je okončana 18.04.2025. godine.

Nakon izvršenog pregleda i evaluacije pristiglih ponuda, Komisija je dostavila federalnom ministru financija/finansija Zapisnik o pregledu i ocjeni ponuda, broj: 09-11-6-8-2775-12/25 od 24.04.2025. godine zajedno sa Preporukom o izboru najpovoljnijeg ponuđača ALF-OM d.o.o. Banja Luka, PJ Istočno Sarajevo, s registriranim sjedištem u Banja Luci, ID broj: 4400810890005.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije i kriterijem za dodjelu ugovora najniža cijena.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka I) podtačka 1) Zakona o javnim nabavkama, a u skladu sa kriterijem za dodjelu ugovora, ponuđač je ponudio najnižu cijenu, nakon okončane e-aukcije.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. Svim ponuđačima u postupku
2. U dokumentaciju Komisije
3. Sektoru za ekonomske, financijske i zajedničke poslove
4. a/a



MINISTAR

Toni Kraljević